



Տ. ՎԱՉԷ ԱՐՔԵՊԻՍԿՈՊՈՍ ՅՈՎԱԷՓԵԱՆ

(11.06.1930—18.12.2022)

Դեկտեմբերի 18-ին, կեանքի 92-րդ տարում, ԱՄՆ-ում, ի Տէր հանգաւ Հայաստանեայց Առաքելական Սուրբ Եկեղեցու նուիրեալ սպասատւ, Մայր Աթոռ Սուրբ Էջմիածնի երիցագոյն միաբաններից Գերաշնորհ Տ. Վաչէ արքեպիսկոպոս Յովսէփեանը: Ն. Ս. Օ. Տ. Տ. Գարեգին Երկրորդ Ամենայն Հայոց Կաթողիկոսն ու Մայր Աթոռ Սուրբ Էջմիածնի ողջ միաբանութիւնը սգում են հոգեւոյս Տ. Վաչէ արքեպիսկոպոս Յովսէփեանի մահը եւ աղօթում նրա հոգու հանգստութեան համար:

Յիշատակն արդարոյն օրհնութեամբ եղիցի:

Կենսագրութիւն

Գերաշնորհ Տ. Վաչէ արքեպիսկոպոս Յովսէփեանը (աւագանի անունը՝ Յովսէփ) ծնունել է 1930 թ. յունիսի 11-ին՝ Լիբանանի մայրաքաղաք Բէյրութում: Նախնական կրթութիւնը ստացել է տեղի Մեսրոպեան հայկական ազգային վարժարանում, որն աւարտելուց յետոյ ընդունուել է Անթիլիասի Դպրեվանք:

1951 թ. յունիսի 24-ին, ձեռամբ Գերաշնորհ Տ. Դերենիկ եպիսկոպոս Փոլադեանի ձեռնադրուել է կուսակրօն քահանայ: Զեռնադրութիւնից յետոյ պաշտօնավարել է Դպրեվանքում որպէս տեսուչի օգնական եւ դաստիարակ:

1953 թ. մեկնել է Շոտլանդիա ուսանելու Էդինբուրգի համալսարանում: Գործուն մասնակցութիւն է ունեցել Եկեղեցիների համաշխարհային

խորհրդի երիտասարդական շարժմանը՝ մասնակցելով մի շարք էկոմե-
նիկ համաժողովների:

1956 թ. նշանակուել է ԱՄՆ Նիւ Ջերսի նահանգի Սուրբ Խաչ եկեղե-
ցու հոգեւոր հովիւ: Ուսումը շարունակել է Ռուտգերսի Նիւ Բրունսուիք
աստուածաբանական ճեմարանում՝ ստանալով աստուածաբանութեան
բակալարի աստիճան:

1967 թ. նշանակուել է Կանադայի թեմի առաջնորդական փոխանորդ,
ստեղծել նոր ծխեր, պատրաստել Կանադայի հայոց թեմի կանոնադրու-
թեան նախաշաւիղը՝ համապատասխանեցնելով Կանադայի կառավարու-
թեան պահանջներին:

1967 թ. հոկտեմբերին, ձեռամբ երջանկայիշատակ Ն. Ս. Օ. Տ. Տ. Վազ-
գէն Ա. Ամենայն Հայոց Կաթողիկոսի ձեռնադրուել է եպիսկոպոս:

1971 թ. մարտին ընտրուել է Հիւսիսային Ամերիկայի Հայոց արեւմ-
տեան թեմի առաջնորդ՝ ծառայելով շուրջ 32 տարի, որի ընթացքում հաս-
տատել է 13 նոր ծխեր:

1976 թ. ձեռնադրութեան 25-ամեակի առթիւ Վազգէն Ա. Ամենայն
Հայոց Կաթողիկոսի հայրապետական կոնդակով արժանացել է արքու-
թեան պատուի:

1988 թ. աւերիչ երկրաշարժից յետոյ, ԱՄՆ Արեւմտեան թեմում հիմ-
նել է որբերի օգնութեան հիմնադրամ: Սրբազան Հօր անմիջական նա-
խաձեռնութեամբ ԱՄՆ Արեւմտեան թեմը վերակառուցել է Ստեփանաւա-
նի Ս. Գրիգոր Լուսաւորիչ դպրոցը: Իսկ Փասադենայում, Ս. Գրիգոր Լու-
սաւորիչ եկեղեցուն կից հիմնուել է «Ալֆրէդ եւ Մարգարիտ Յովսէփեան»
ամենօրեայ հայկական վարժարանը:

1997 թ. Վաչէ Սրբազանը երջանկայիշատակ Ն. Ս. Օ. Տ. Տ. Գարեգին
Ա. Կաթողիկոսի հրամանով նշանակուել է Հայ Եկեղեցու կանոնադրութե-
ան պատրաստման յանձնախմբի նախագահ: Կանոնադրութեան նախա-
շաւիղն աւարտին է հասցուել 2002 թ.:

2003 թ. Վաչէ Սրբազանը 32 տարուայ բեղուն առաջնորդական գոր-
ծունէութիւնից յետոյ անցել է վաստակեալ հանգստի:

Սրբազան Հայրը հոգեւոր սպասաւորութեան ընթացքում արժանացել
է բազում կոչումների եւ պարգէնների:

